

Headline	Terokai SELANGOR		
MediaTitle	Berita Harian		
Date	03 Nov 2017	Color	Full Color
Section	Supplement	Circulation	125,514
Page No	C58	Readership	947,000
Language	Malay	ArticleSize	861 cm ²
Journalist	N/A	AdValue	RM 29,566
Frequency	Daily	PR Value	RM 88,698



Terokai SELANGOR

Dikenali negeri maju, Selangor menawarkan landskap menarik daripada air terjun ke bukit bukau, taman nasional ke arena sukan bertaraf antarabangsa dan pelbagai aktiviti boleh dilakukan.

Justeru, terdapat tiga elemen utama yang diberikan perhatian iaitu eko, sukan dan warisan.

Antara tempat menarik yang diketengahkan adalah Kelip-Kelip Kampung Kuantan, FRIM Kepong dan Taman Botani Negara Shah Alam dibawah Pelancongan Eko.

Mercu tanda terkenal seperti Istana Alam Shah di Klang, Batu Caves dan Pulau Carey mempunyai potensi tinggi untuk produk Pelancongan Warisan dan Kebudayaan sementara aktiviti sukan turut ditawarkan.

Semua elemen yang diketengahkan ini amat berseuaian dengan tema yang diberikan iaitu 'Discover Selangor, Terokai Selangor'.

Dengan mengambil kelip-kelip yang siap memakai topi, kasut dan memegang kamera yang menunjukkan ciri-ciri seorang pelancong sebagai maskot, pelancaran acara ini menyasarkan tujuh juta pelancong melawat negeri itu.

Dengan keunikan yang ada, Selangor pastinya membawa pengunjung ke negeri ini untuk menikmati keindahan alam semula jadi, termasuk taman dan hutan simpan, serta acara dan aktiviti sukan popular di Selangor.

Tidak dilupakan, budaya dan warisan Selangor akan memukau sesiapa sahaja yang melihatnya.

